



ISLAMSKA ZAJEDNICA U BOSNI I HERCEGOVINI

RIJASET

Uprava za obrazovanje i nauku

Broj: 03-08-2-4605/19

Datum: 02. safer 1441. h. g.

01. oktobar 2019. godine

Vijeće muftija

Uprave Rijaseta Islamske zajednice

El-Kalem

PREDMET: Dostavljanje prijedloga i sugestija na nacrt Pravilnika o distribuciji printanih i drugih izdanja u prostorima Islamske zajednice

Poštovani,

Shodno zaključku Rijasetu broj: 05-08-2-2543-3719, od 19. septembra 2019. godine, potrebno je da Upravi za obrazovanje i nauku najkasnije do 31. 12. 2019. godine dostavite svoje prijedloge i sugestije na nacrt Pravilnika o distribuciji printanih i drugih izdanja u prostorima Islamske zajednice.

Rijaset Islamske zajednice je na prijedlog Uprave za obrazovanje uvoji nacrt Pravilnika na sjednici od 19. septembra 2019. godine. U prilogu dostavljamo usvojeni nacrt Pravilnika.



DIREKTOR

Prof. dr. Dževad Hodžić

Prilog:

- Nacrt Pravilnika o distribuciji printanih i drugih izdanja u prostorima Islamske zajednice

Dostavljeno:

- ☉ Vijeće muftija
- Uprave Rijasetu
- El-Kalem
- a/a

Na osnovu članova 17. i 20. Pravilnika o organizaciji i radu Rijaseta ("Glasnik Rijasetu IZ u BiH", broj 11-12/2014), Rijaset Islamske zajednice u BiH, na prijedlog Uprave za obrazovanje i nauku, na ____ sjednici održanoj dana _____ 1440. h.g., odnosno _____ 2019. godine, donio je

PRAVILNIK
o distribuciji printanih i drugih izdanja u prostorima
Islamske zajednice u BiH
- nacrt -

I OSNOVNE ODREDBE

Član 1.
(Predmet Pravilnika)

Ovim Pravilnikom određuju se cilj, sadržaj i nadležnosti, te procedure i kriteriji koje trebaju ispunjavati izdavači i distributeri printanih, elektronskih i drugih publikacija za distribuciju u objektima Islamske zajednice u BiH.

Član 2.
(Cilj donošenja)

- 1) Uspostavljanje sistema distribucije izdanja u prostorima Islamske zajednice u skladu sa misijom, učenjem, normativnim aktima i drugim kriterijima i prioritetima Islamske zajednice u BiH.
- 2) Uspostavljanje standarda kvaliteta za distribuciju izdanja u prostorima IZ u BiH

Član 3.
(Definicije)

Pojmovi upotrijebljeni u ovom Pravilniku imaju sljedeća značenja:

- a) Distribucija obuhvata sve aktivnosti nabavke, raspodjele i dostave printanih izdanja, audio i video sadržaja i drugih izdanja koja su predmet kupoprodaje. Ove aktivnosti se provode direktnim kontaktom distributera sa izdavačima ili njihovim ovlaštenim predstavnicima.
- b) Distributer je svaki subjekat u poslovanju, predstvanik izdavača ili pravnog lica koji ima dozvolu za promet izdanja koja su predmet prodaje u prostorima Islamske zajednice.
- c) Izdavač je pravno ili fizičko lice koje izdaje knjige, novine, audio, video i druga izdanja, a nije organ ili ustanova Islamske zajednice.
- d) Komisija za ocjenu podesnosti određenog sadržaja za distribuciju u prostorima Islamske zajednice (u daljem tekstu: Komisija) je tijelo koje sačinjavaju lica koja su zadužena da razmatraju i ocjenjuju adekvatnost određenog izdanja za distribuciju u prostorima Islamske zajednice.
- e) Saglasnost je pisani akt koji izdaje Uprava za obrazovanje i nauku Rijasetu na prijedlog Komisije izdavaču ili distributeru kojim se odobrava distribuiranje određenog izdanja u prostorima Islamske zajednice.
- f) Taksa je propisani iznos koji distributer uplaćuje Islamskoj zajednici za troškova rada Komisije.

II KOMISIJA

Član 4.
(Sastav Komisije)

- 1) Komisiju formira Rijaset Islamske zajednice u Bosni i Hercegovini na prijedlog Uprave za obrazovanje i nauku.
- 2) Komisija se sastoji se od sedam članova.

Član 5.
(Nadležnosti Komisije)

- 1) Komisija ima sljedeće nadležnosti:
 - a) prima izdanja od izdavača i distributera na analizu i ocjenu,
 - b) analizira i daje sadržajnu, stilsku, estetsku i druge ocjene o vrijednosti izdanja za davanje saglasnosti za distribuciju,
 - c) obavlja i druge radnje značajne za davanje saglasnosti za distribuciju izdanja u prostorima IZ,
 - d) daje saglasnost na distribuciju izdanja u prostorima Islamske zajednice u BiH,
- 2) Komisija može zatražiti stručna mišljenja od drugih lica ili relevantnih ustanova za procjenu kvaliteta sadržaja.

III PROCEDURA ZA DODJELU SAGLASNOSTI

Član 6.
(Obaveza pribavljanja saglasnosti)

- 1) Izdavači i distributeri zainteresirani za distribuciju svojih izdanja u prostorima Islamske zajednice obavezni su pribaviti saglasnost za distribuciju.
- 2) Saglasnost za distribuciju daje Uprava za obrazovanje i nauku Rijasetu na prijedlog Komisije.

Član 7.
(Procedura za dodjelu saglasnosti za distribuciju izdanja)

- 1) Distributer podnosi zahtjev za dodjelu saglasnosti za distribuciju izdanja.
- 2) Zahtjev se podnosi na propisanom obrascu koji se preuzima elektronski ili na Pisarnici Rijasetu.
- 3) Zahtjev se predaje elektronski ili na Pisarnicu Rijasetu.
- 4) Uz zahtjev distributer uplaćuje taksu za troškova rada Komisije i sedam primjeraka izdanja za koje traži saglasnost.
- 5) Pisarnica dostavlja predmet Komisiji.
- 6) Komisija se očituje o prihvatljivosti predmetu za ocjenu u roku od 15 dana.
- 7) U pravilu Komisija se očituje o davanju saglasnosti na izdanje u roku od 60 dana od prijema zahtjeva.

Član 8.
(Uvjeti za dodjelu saglasnosti)

- 1) Uvjeti za dodjelu saglasnosti su:
 - a) da je podnosilac za dodjelu saglasnosti izdavač ili ovlašteni distributer;
 - b) da je pravno lice registrovano, odnosno fizičko lice punodobno;
 - c) da je izdanje za koje se traži saglasnost već izdato;

Član 9.
(Taksa)

- 1) Taksa je naknada koju uplaćuje izdavač ili distributer za rad Komisije koja procjenjuje adekvatnost izdanja za distribuciju u prostorima IZ.
- 2) Taksa se uplaćuje prilikom predavanja zahtjeva za dodjelu saglasnosti za distribuciju izdanja.
- 3) Iznos takse koja se uplaćuje zavisi od kategorizacije izdanja:
 - a) Prva kategorija su posebna izdanja, autorska ili umjetnička djela za koja Komisija u pravilu traži mišljenje nadležnih organa i ustanova (instituta, fakulteta, akademija, drugih komisija i slično).
Iznos takse za ovu kategoriju iznosi 1000,00 KM.
 - b) Druga kategorija su autorska izdanja ili prijevodi koji sadrže preko 300 stranica teksta.
Iznos takse za ovu kategoriju isnosi 700,00 KM.
 - c) Treća kategorija su izdanja koja sadrže do 300 stranica teksta.
Iznos takse za ova izdanja isnosi 600,00 KM.
 - d) Četvrta kategorija su izdanja između do 200 stranica.
Iznos takse za ova izdanja isnosi 500,00 KM.
 - e) Peta kategorija su uzdanja do 100 stranica.
Iznos takse za ova izdanja isnosi 400,00 KM.

Član 10.
(Dodjela saglasnosti)

- 1) Saglasnost se dodjeljuje na osnovu ispunjenih uvjeta, kriterija i mišljenja Komisije.
- 2) Saglasnost se izdaje na propisanom obrascu na bosanskom jeziku.
- 3) Saglasnost važi samo za određeno izdanje.
- 4) Uprava za obrazovanje i nauku može povući saglasnost ukoliko se ustanovi da je došlo do zloupotrebe predmetne saglasnosti.
- 5) Uprava za obrazovanje i nauku može uskratiti dodjelu saglasnosti uz obrazloženje.

Član 11.
(Administrativna podrška radu Komisija)

- 1) Administrativnu podršku radu Komisija pruža Uprava za obrazovanje i nauku putem referenta za administrativnu podršku.
- 2) Referent za administrativnu podršku obavlja poslove sekretara Komisije.

IV PRIMJENA PRAVILNIKA

Član 12.
(Objekti i prostori primjene Pravilnika)

- 1) Odredbe Pravilnika dužni su da primjenjuju svi organi, organizacione jedinice i ustanove Islamske zajednice u BiH, a posebno:
 - a) Knjižare u vlasništvu organa i ustanova Islamske zajednice;
 - b) Džamije i mesdžidi u kojima se prodaje literatura i druga izdanja;
 - c) Korisnici poslovnih prostora u vlasništvu Islamske zajednice, za izdanja koja imaju islamsku tematiku;

- d) Biblioteke ili druga prodajna mjesta u odgojno-obrazovnim i naučnim ustanovama Islamske zajednice;
- e) Skupovi i manifestacije u organizaciji Islamske zajednice.

V PRELAZNE I ZAVRŠNE ODREDBE

Član 13.

(Početak primjene pravilnika)

- 1) Odredbe ovog Pravilnika primjenjuju se od njegovog stupanja na snagu, za izdanja koja se izdaju nakon stupanja na snagu Pravilnika.
- 2) Za izdanja koja su objavljena prije donošenja Pravilnika Komisija će odrediti dinamiku apliciranja za dobivanje saglasnosti.
- 3) Organi i ustanove Islamske zajednice u BiH preduzet će sve neophodne mjere da se u prostorima Islamske zajednice u BiH može vršiti prodaja samo onih izdanja za koja je izdata saglasnost za distribuciju od nadležne Komisije.

Član 14.

(Stupanje na snagu pravilnika)

- 1) Za provedbu Pravilnika zadužuju se organi i ustanove Islamske zajednice.
- 2) Protiv lica koja prekrše odredbe Pravilnika bit će pokrenut postupak utvrđivanja odgovornosti i izricanja odgovarajućih mjera.

Član 15.

(Stupanje na snagu pravilnika)

Ovaj Pravilnik stupa na snagu danom donošenja i bit će objavljen u „Glasniku Rijasetu Islamske zajednice u Bosni i Hercegovini“.

Husein-ef. Kavazović
Reisu-l-ulema

Broj:
Datum: